



Gadewch i ni  
siarad am arian

Gwybodaeth am Arian

**Ar gyfer troseddwy'r sydd eisiau dysgu  
sut i gadw trefn ar eu harian**

Mae trin arian yn un o'r pethau anoddaf mae'n rhaid i ni wneud mewn bywyd. Os nag ydym yn cadw trefn ar yr arian sydd gennym, medrwn gael ein hunain i bob math o broblemau. Nod y daflen yw eich helpu i fynd i'r afael gyda rhai o faterion sylfaenol cadw trefn ar eich arian pan fyddwch yn y carchar, yn paratoi ar gyfer eich rhyddhau a pan gewch eich goruchwyllo yn y gymuned. Mae hefyd i'ch annog i siarad gyda'ch rheolwr troseddwy'r neu'ch swyddog problemau am unrhyw broblemau ariannol. Byddant yn rhoi gwybodaeth fwy manwl i chi a'ch cyfeirio at sefydliadau a all eich helpu ymhellach.

## Sut i edrych ar ôl eich arian

Mae'r rhan fwyaf ohonom wedi clywed am bobl yn cuddio eu harian dan fatres ond mae lleoedd gwell a mwy diogel i gadw eich arian.

Y lle gorau i gadw eich arian bob dydd yw mewn banc, cymdeithas adeiladu neu undeb credyd, ac ar ôl cael eich rhyddhau medrwch gysylltu ag unrhyw un o'r sefydliadau hyn i agor cyfrif. Pan fyddwch yn dal i fod yn y carchar, dylech holi'ch rheolwr troseddwr neu swyddog personol sut i agor cyfrif banc sylfaenol neu gyfrif undeb credyd pan fyddwch yn treulio eich dedfryd. Bydd mynediad i'r cyfrif hwn yn gyfyngedig (drwy wasanaethau post) ac ni fyddwch yn cael mynediad i fenthyciad pan fyddwch yn y carchar.

## Pam ei bod yn syniad da agor cyfrif banc sylfaenol?

Bydd rhoi eich arian mewn cyfrif yn ei gadw'n ddiogel a gallwch gael eich budd-dal neu gyflog wedi'u talu'n syth i'r cyfrif. Gyda chyfrif banc sylfaenol cewch:

- Cerdyn arian i godi arian (dim ond yr arian sydd gennych yn y cyfrif y medrwch ei godi)




- Cerdyn debyd gyda logo Solo neu Electron arno (medrwcw ddefnyddio hyn i wario arian mewn siopau, dros y ffôn neu ar y Rhyngrwyd ond dim ond yr hyn sydd gennych yn eich cyfrif y medrwcw ei wario)
- Y cyfle i drefnu taliadau debyd uniongyrchol ac archeb banc sy'n gadael i chi dalu am bethau fel biliau allan o'ch cyfrif yn rheolaidd
- Cyfriflenni rheolaidd, sy'n cofnodi'r hyn yr ydych wedi'i wario a'i gynilo fel y medrwcw gadw trac ar le mae'ch arian yn mynd
- Bydd agor cyfrif banc sylfaenol hefyd yn rhoi dull defnyddiol i chi o brofi pwy ydych, a all fod yn ddefnyddiol i chi ar ôl cael eich rhyddhau.

### **Sut mae agor cyfrif banc?**

Bydd y banc yn gofyn i chi lenwi ffurflen gais ac mae'r gyfraith yn dweud fod yn rhaid i chi roi tystiolaeth o bwy ydych. Mae banciau, cymdeithasau adeiladu ac undebau credyd yn derbyn y dogfennau dilynol fel prawf o bwy ydych

- Pasbort
- Trwydded yrru
- Bil cyfleustod
- Dogfennau budd-dal
- Llythyr neu Ddogfen Adnabyddiaeth Bersonol, a lofnodwyd gan lywodraethwr eich carchar, rheolwr hostel neu weithiwr cymdeithasol



## **Beth yw Undeb Credyd?**


Mae undebau credyd yn wych ar gyfer pobl ar incwm isel a phobl gyda hanes credyd gwael. Maent yn sefydliadau ariannol a gaiff eu rhedeg yn y gymuned gan y gymuned ac yn cynnig lle i gynilo eich arian yn rheolaidd hyd yn oed mewn symiau bychan.

## **Sut medraf gadw trefn ar fy nghyfrif pan fyddaf yn y carchar?**

Medrwch benodi perthynas neu ffrind i gadw trefn ar eich cyfrif pan fyddwch i ffwrdd. I wneud hyn bydd yn rhaid i chi lofnodi Llythyr Awdurdod sy'n cadarnhau enw'r person a benodwch i drin eich cyfrif a gwneud yn sicr nad yw pethau fel cardiau plastig newydd a chyfriflenni'n mynd ar goll. Gall eich rheolwr goruchwyllo roi cyngor i chi ar baratoi Llythyr Awdurdod.

## **Beth ddylwn i wneud os oes gennyf ddyledion?**

Byddwch yn mynd i ddyled os gwariwch fwy o arian nag sydd gennych. Mae dyledion yn tueddu i dyfu a gall fod canlyniadau difrifol am beidio eu had-dalu. Mae'n bwysig cysylltu'n gyflym gyda'r bobl y mae arnoch arian iddynt, neu ofyn am help gyda hyn, a cheisio dod i gytundeb am sut y byddwch yn talu'r ddyled.





## Pa grantiau a budd-daliadau y medraf eu hawlio?

Bydd talu unrhyw grant neu fudd-dal yn dibynnu ar delerau'ch dedfryd ac amodau rhyddhau. Gall eich rheolwr troseddwr neu swyddog personol ddweud wrthyfych am sefydliadau a all roi cyngor 'un i un' i chi ar fudd-daliadau a sut i hawlio. Gall fod y medrwch hawlio un neu fwy o fudd-daliadau ar unrhyw un amser.

## Yswiriant

Fel cyn-droseddwr pan fyddwch yn gwneud cais am yswiriant bydd angen i chi ddatgelu collfarn/au heb ddarfod hyd yn oed os na ofynnir i chi gan ei bod yn drosedd peidio gwneud hynny. Mae'n bwysig iawn eich bod yn gwneud hyn, er y gall hyn wneud i chi deimlo eich bod yn dal i gael eich cosbi am eich trosedd. Os nad ydych yn datgelu unrhyw gollfarn heb ddarfod a bod angen i chi hawlio yswiriant, medrwch gael nad yw'r cwmni yswiriant yn fodlon talu. Peidiwch cael eich temtio i roi 'r yswiriant yn enw rhywun arall, gan y bydd hyn hefyd yn gwneud eich yswiriant yn annilyd.

## Sut medraf wella fy sgiliau trin arian?

I ganfod sut i gymryd rhan mewn cyfleoedd dysgu, a fedrai gynnwys cyrsiau rheoli arian, siaradwch gyda'ch goruchwyliwr troseddwr, swyddog personol neu dîm adsefydlu. Gall gwella eich sgiliau darllen, ysgrifennu a rhifau hefyd eich helpu i drin eich arian. Medrwch ddefnyddio'r sgiliau hyn i'ch helpu i gadw trac ar eich gwario ac i weithio allan os ydych yn cael bargaen dda ar gynigion arbennig, benthyciadau a chynilon.

Ar gyfer rhai sydd â mynediad i'r rhyngryd mae canllaw ar-lein 'Let's Talk About Money – Your Money Guide' sy'n trafod yr eitemau y rhoddir sylw iddynt yn y daflen hon a llawer mwy – ewch i <http://www.letstalkaboutmoney.org.uk/>



Dyddiad		Arian a Wariaf	Arian a Gaf
Hyd 1	Rhent	400.00	
Hyd 1	Tocyn trwm	85.40	
Hyd 2	Archfarchnad	16.82	
Hyd 3	Bill Ffôn	31.69	
Hyd 5	Torrï gwallt	10.00	
Hyd 7	Dillad	45.32	
Hyd 9	Archfarchnad	25.50	
Hyd 10	Bl Nwy	30.00	
Hyd 11	Archfarchnad	15.50	
Hyd 13	Archfarchnad	11.50	
Hyd 14	Bwyta Allan	10.50	
Hyd 15			Cyflwg Misol 1500.78
Swm		682.23	1500.78